

Preassadieđáhus

Ođđa fylkkaráđit

Knut Werner Hansen (Gálsa) šaddá kultuvrra ja ealáhusa fylkkaráđdin ja Kari Anne Opsahl (Háršttá) johtalusfylkkaráđdin, go fylkkaráđdejodiheaddji Paul Dahlø ja johtalusfylkkaráđdi Synnøve Søndergaard luohpaba njukčamánu.

Romssa fylkkaráđdi rávida Olgeža go lea čorgadit bargan proseassas go fylkkaráđdejodiheaddji Paul Dahlø luohpá.

Preassakonferánssas guovvamánu 9. beaivvi čilgii Romssa Olgeža fylkkajođiheaddji, Terje Olsen, ahte sii jotket dan šiehtádusa mii bellodagas lea Bargiidbellodagain ja Sosialisttalaš Gurutbellodagain.

Romssa Bargiidbellodat lea cuigen ealáhusa ja kultuvrra fylkkaráđi, Pia Svensgaard, váldit badjelasas virggi maŋjel Dahlø go fylkkadiggi njukčamánu galgá válljet ođđa fylkkaráđi. Olgeža julggaštvon doarjagiin leage de čielggas ahte Svensgaard šaddá Romssa ođđa fylkkaráđdejodiheaddjin, ja son oažžu ábbas ođđa bargoveaga go váldá badjelasas virggi.

- Mun illudan álgit bargguin mii vuordá sihke mu ja ođđa fylkkaráđi, ja buori ovttasbarggu fylkkadikkiin, dadjá Pia Svensgaard.

Johtalusa ja birrasa ođđa fylkkaráđdin válljejuvvo Kari Anne Opsahl (Bb). Opsahl lea Háršttás eret ja lea earret eará bargan politihkalaš ráđdeaddin ja stáhtačállin Guolástusdepartemeanttas. Son lea dál Bb joavkojođiheaddji Háršttá suohkanstivrras. Opsahl lea Sáččas eret, ja lea oahppan jurista.

Knut Werner Hansen (Bb) lea Gálssas eret, ja son váldá badjelasas ealáhusa ja kultuvrra fylkkaráđi maŋŋel Svensgaard. Hansen lea sakka oahppan politihkar, ja lea guhká leamaš fylkkadikkis. Hansen lea dál Romssa Bargiidbellodaga várrelahttu Stuoradikkis, ja lea Bargiidbellodaga fylkkadiggejoavkku joavkojođiheaddji. Hansenis lea maid guhkes organisašuvdnasáhus Norgga guolástussearvis, ja lea vuosttaš Davvi-Romssas gii válljejuvvo fylkkaráđi lahttun.

Dasa lassin lea Sosialisttalaš Gurutbellodaga Wenche Cumming (Leaŋgáviika) sadjásaš oahpahusa ja dearvvašvuoda fylkkaráđđái Pål Julius Skogholt, geas lea áhččevirgelohpi miessemánu 12. beaivvi rádjái.

Gulahallanolmmoš: Fylkkaráđđi Pia Svensgaard, tlf. 99 50 58 11